

## 2 Timote

Mbede ndeke di sidike ka Pol daa ha Timote

*Bay ka se tul feri ka do bil mbede ni key*

Mbede key na Pol daa bay nam be ka hul sal bay tul kaa bay Krisi. Ze bay sew ka zad ngon bamba bay tul nzo mbika lawri ha nzo bri ngii bamba pon mbika law bari na hoy kara, Pol daa wara bo bil law Timote bay ha ha ni ka do tul mbika law be ban guo, a ka-kaa Bay Kere ngere wuru, a daa wara bo bil law nzo bri bay faa ka'a fereke nzo bri fe bay iki law. Do nda bamba bay ha ha ni koru Bay ngere wuru ha ni do ba faa kie ni simsed kere ndaw, tusue bay ka tul mbika law ndaw pi. Nda bay ha ha ni ka mboro fe daa Pol, ka bil mbika law be ndaw, iki law ndaw, mgbaka ini ndaw, suu law ndaw, bay ha ha bo be Timote kara ka koru mbika law be a duu kpuru tii gbuke.

*Maa bayri ka do bil-e*

Koko seke fe ka bil kaa Bay Kere na, ndafike do di:  
1.1-2.13

Nzaa boko ka Pol ha Timote: 2.14-4.8

oro bie bay Pol bay soko beri: 4.9-22

*Soko ka Pol hii ha Timote*

<sup>1</sup> Yu-i Timote, bi Pol ka mi ba nzo nday nzaaped Zezu \*Krisi bay faa law hiiya ngere wuru, ka mi ka-kaa bay kaw bay kumnun ka ngere wuru waa bayke bay tul nzo bri ka i zuo zii Zezu Krisi na, <sup>2</sup> mi daa mbede key na ha mu bo ka mu ba led hiiya bi. Nda bay ha ha law huoke ndaw, koko nun sie nzo ndaw, roo dekeke Ba ngere wuru bay Zezu Krisi ka sad zii mu.

*Pol* bo Timote a daa w̄ara bo bil law-ε

<sup>3</sup> Mì daa taambɔl h̄a Ʒgerewuru ká mì daa ped̄ h̄a ni b̄áy k̄er bay ká uru saa bil w̄ara law-i ká \*taŋ kaɗ kaɗ munu ká buluri dáake na. Ká bil nzaa bay kere b̄iri ká mì daa suŋ b̄áy bisie na, mì ker se tul-a baŋguɔ. <sup>4</sup> Mì ker se tul nam ká mbii nun-a ḡayke na, h̄a kɔn kóko mù ba k̄i dáa mì nḡii bamba tasiri bay haŋa suoriya ka mbaa bil law-i gbay gbay. <sup>5</sup> Mì ker se tul law-a ká mù daa bo tul Zezu \*Krisi ba tusuε na. Ba fe ká zaa-ka Luy b̄áy máa-ŋa Enisi i daa pola h̄a mù. Ba tusuε k̄i, mì kɔ le, bo kara mù daa munu ndaw. <sup>6</sup> Sawke mini ze, mì tuma law-a ká ɗi. Fe ini ká Ʒgerewuru ha mù b̄áy nam ká mì dáake nduo-i bo tul-a na, mu s̄ii huuke ba baɗi, <sup>7</sup> bay j̄i le, Tem ká Ʒgerewuru h̄a naari na, ba Tem dáa sahoi ya, roo le, Temke ku na, h̄a naari h̄urusuo ndaw, law ini ndaw, rɔɔ nun nzeM ndaw pi.

<sup>8</sup> Munu zu le, mu h̄a sahoi ka se mù bay dáa nasi bay Ʒgerembay naari na ya. Ze, mì naa hul sal bay tul-e hoŋ kara, mu h̄a sahoiye ka se mù bay tul-i ya ndaw. A roo le, mu kɔ seke fe ka ziŋ mì bay tul káa Bay Kere na, b̄áy faa h̄urusuo ká Ʒgerewuru h̄a mù na. <sup>9</sup> Ba be k̄i ze ka yaa naari, a ɗi naari h̄a náa b̄ári nzoɓ taa be. Bay tul ped̄ kere ká náa dáari ya, roo le, b̄áy faa ká be k̄i ka leke ndaw, b̄áy faa law kere be ndaw pi. Law kereke ku na, ka h̄a naari b̄áy faa Zezu Krisi pola ɗɔɗ ndaw rɔɔ tusiri ɗo b̄áy. <sup>10</sup> A roo le, timbeɗe key na, law kereke na tina s̄u-ε taŋ kaɗ kaɗ h̄a naari b̄áy faa t̄i Nzoɓ Yaana naari Zezu Krisi ká t̄i na. Ba be na k̄i ze, ka gur h̄urusuo huɗ na ruk ruk. B̄áy faa káa Bay Kere na, ka h̄a nun naari taŋ ká tul káw b̄áy kumnun ká ɗo baŋguɔ na. <sup>11</sup> A bi na le, bay tul káa Bay Kere key na ze Ʒgerewuru dáake mì kaw ba nzoɓ ndáy nzaaped̄, a mí ba nzoɓ fére nzoɓri fe. <sup>12</sup> Sawke mini ze, mì kɔ seke fe bayke. A roo le, mì daa sahoi ká ɗi ya, bay

ji le, mi tuu nzoɓ ka mi ɗaa law-i bo tul-e, a mi ko ta-tan ɗa tusue ki mii, be na ka ɗo ɗay hurusuo bay koro fe ka'a pɔŋ zuo nduo-i na, kpuru tji nam kɔŋ sal bay.

<sup>13</sup> Tusue bay ka mi fere mu na, mu mgba ɗay kere ɗa fe lie ki, a mu mgba ŋɔ-ŋɔŋ ka bil mbika law ɗay law ini ka naa ziŋ ɗay faa zuo ziŋ Zezu Kri na. <sup>14</sup> Fe fere kere ka ŋerewuru pɔŋ pedke zuo nduo-o na, mu ɗaa nun-a ka bo ɗi ɗay hurusuo Tem Law Pie ka ɗo bil law naa.

<sup>15</sup> Mu ko ndaw, nzoɓ mbika lawri riw bele ka kuɗu zaɗ ka Azi na, i pɔŋ mi, Fizel ɗay Hermozɛn hoy kara, i ɗo sakra nzoɓkeri ku na ndaw. <sup>16</sup> Ndaɗ bay haŋa ŋerembay ka ɗaa law kere ziŋ nzoɓ bil hul Onesifori, bay ji le, ɗanɗo na, ka huo law-i ndaw, a ɗaa sahoɗ bay tul hul sal ka i mgba mi bo ɗi na ya ndaw pi. <sup>17</sup> Zaɗka'a tji Rom na kara, ka nzaara mi yeŋ yeŋ kpuru a ziŋ mi. <sup>18</sup> Ndaɗ bay haŋa ŋerembay ka ɗaa law kere ziŋ ni ka nam kɔŋ sal bay. Pedri riw bele ka'a ɗaa ha mi ka Efɛz na, bo hoy kara mu ko ta-tan ndaw.

## 2

*Tusue* nzoɓ yum taa Zezu Kri

<sup>1</sup> A bo Timote ka mu ɗa vu-i na, mu ɗaa mu ziŋ hurusuo-o ɗay faa law kere ka ŋerewuru ha naari ka naa zuori ziŋ Zezu \*Kri. <sup>2</sup> Fe fere ka mi fere mu ka ruo nzoɓri ɗaa nasi ɗayke na, mu pɔŋ zuo nduo nzoɓri ka nzoɓri ɗaa law-ri zuo tul-ri ka i ko suo-ri maa bay fere nzoɓ kiri fe na.

<sup>3</sup> Mu ko seke fe ziŋ mi munu ka tusue nzoɓ yum Zezu Kri. <sup>4</sup> Zaɗka nzoɓ se ɗa nzaa yum, roo a hii bay ɗaa fe ka rii law gan tul-e le, ka ti yoklo suo-e bay tul fe kiri ka tusiri key na mbaa ro. <sup>5</sup> Do faa mbiw munu ndaw, zaɗka nzoɓ faa ɗul ziŋ ku-e, roo a duu ɗay faa bol kusolke ya

le, ka ti zii fe tunduo be na ya. <sup>6</sup> Nzob pay ka daa suo-e taa tom bay tul ped be na kara, a ba titire nzob ka'a zii lere fe payke. <sup>7</sup> Mu ker se tul feri ka mi baa bayke ha mu key na, le, ngerebay a ha ha mu hurusuo ha mu laake baykeri na riw bele.

<sup>8</sup> Mu ker se tul Zezu Kisi, \*vu bulu David ka tii saa sakra nzob huferi munu ka bayke do bil Bay Kere ka mi ka-kaake na. <sup>9</sup> Bay tul Bay Kere ni ka mi ka-kaake na, be ze mi koke seke fe kpuru mi naake hul sal munu ba dombirim nzob. Roo le, Bay ngerewu na naa hul sal ya. <sup>10</sup> Sawke mini ze, mi suu law-i ka tul fe sekeri riw bele bay tul nzobri ka ngerewu nan ri bay ha ha do, bari hoy kara i zii pam ka bil Zezu Kisi, roo bay ri ri dika ka do banjo na. <sup>11</sup> I ko, bayri ka maa daa law do di na ze do key:

Zadka naa huri zii ni le,

naa kawri bay kumnun zii ni ndaw.

<sup>12</sup> Zadka naa suuri law naari ka tul koko seke fe le,  
naa rekeri mbay zii ni ndaw.

A zadka naa tui ni ngere le,

be hoy kara, a tui naari ngere ndaw.

<sup>13</sup> Zadka naa dori tul bay naari na ya le,

ka do tul bay be, bay ii le,

be na, ka ti suo nun bay be na suo-e ya.

*Daa hurusuo tui ki ha ngerewu koke mu ba nzob ped kere*

<sup>14</sup> Mu tuma law nzobri se tul bayri ka mi baa ha mu key na ngo-ngon ka pol ngerewu. Mu ha ri roo ki ka tul vu maa bayri gor gor hoy ya, bay ii le, ba fe ka daa fe mbiw ya, a bi ker bay nzobri ka i te suku-ri i laa bayke na. <sup>15</sup> Mu daa hurusuo-o tui ki bay ha ha ngerewu ka koke mu ba nzob ped kere ka nun-e munu ba nzob ka

ɔaa sahoƷ ká tul peɔ ɔe ya, a ka-káa tusue ɔay na ɔáy zaɔe nzeɔem. <sup>16</sup> Mu tuƷ máy ɔay goɔ goɔbkeri ká maa ɔáy faa mbika law ya na ƷgereƷ. Tusueke le, nzobri ká i mbi sùo-ri ɔo ɔil-e munu ku na, i se nun-ri ɔa pola pola ɔi ɔi ziƷ ƷgereƷuru. <sup>17</sup> Bay ɔáa nzobkeri ku na ɔo munu ɔa nuɔ ɔay ká siè ɔa pola pola. Imene ɔáy Filɔɔ ɔo sakra nzobkeri ku na ndaw. <sup>18</sup> Bari na, i naa sùo-ri ká ɔil tusue ɔay na í ɔaa mii, tíi nzobri saa luɔ huɔ na kal ɔoɔ ro. Be mini ze, i ɔaa ha nzobri wɔruke faa mbika law. <sup>19</sup> Be nu ku hoƷ kara, tusue ɔay na ƷgereƷuru ɔaa sawke mgba siri ƷgoƷ kaɔara ɔáy kere. I vbie fe ɔo tigbaa hul mii: «Ʒgereɔmbay na tuu nzob ɔeri\*.» I vbie na roɔbay mii: «Nzob ká ɔaa mii, ɔeri ɔa taa Ʒgereɔmbay le, ndaɔ ɔay haƷa ni ka pɔƷ fal fe ɔáa kaaya na pɔƷ†.»

<sup>20</sup> Ì ko, ká ɔil hul na, ɔa tuƷguo mbii ɔáy tuƷguo hoɔo hoƷ ze zuɔ ɔi ya, roo le, tuƷguo pie ɔáy kaƷtoƷ kara zuɔ ɔi ndaw‡. Hayri ká pola ku na, i ɔaa zuɔ ɔoɔ ɔay ɔáake peɔ ká nam suoriya, a haƷri laa le, ɔay ɔáake peɔ ká nam hoƷkeri. <sup>21</sup> Do faa mbiw munu ndaw, zaɔka nzob koɔ sùo-ɛ \*taƷ kaɔ kaɔ, a mgba sùo-ɛ ká tul fe kaayari riw bele ká mì ɔaa ɔayke na le, ka'a ɔoko munu ɔa tuƷguo kere ká ɔo ɔoɔ, a ɔa fe peɔ kere ká ɔay ɔáake peɔ ɔay tul gaƷ ɔe ndaw, a taƷ kaɔ kaɔ a ɔo ɔi ya ɔay ɔáa peɔ kereri riw bele ká ɔáy riƷ-ɛ ɔoɔ ɔoɔ ndaw.

<sup>22</sup> KoƷn feri ká ɔaa kubanri na, mu ɔúu ɔi ɔi ká ɔi, mú nzaa faa ɔáa fe ká ɔo sikɔa, mú ɔáa law-a ɔo tul

\* 2:19 2:19 Ruɔ ɔari 16.5. † 2:19 2:19 Ruɔ ɔari 1.26 ɔáy Ezay 26.13. ‡ 2:20 2:20 «TuƷguori» ká k̄iri ɔoɔ ɔoɔ key na, ɔáy nzaa gɛɛk le, i ɔaa ɔay se tul feri ká i ɔaa ɔáy lari loɔ ɔáy lari hoƷke ndaw, roɔ feri ká i ɔaa ɔáy puu ɔáy pay ndaw pi. Buru suo fe key na ɔay haƷa nzobri ko ɔa fe líe k̄i ta-taƷ ɔay Ʒi le, ɔa fe saw Kuori ya.

ηγερωυρου ndaw, kóko kí ba nzob nun ndaw, roo káw d̄ekek̄e zih̄ bari ká i di ηγερεmbay báy law-ri ká tan̄ kad̄ kad̄ ndaw pi. <sup>23</sup> M̄áy bay taa goḅ goḅkeri báy kòko bayri na, mu d̄aa nzaa-a ka nduo di ya, bay ii le, m̄áy baykeri ku na mboḅ roḅdi mboḅ. <sup>24</sup> Tusueke le, nzob ped̄ ηγερωυρου na ba nzob d̄aa roḅdi ya, roo le, ka' a bá nzob ká d̄aa law kere zih̄ nzobri, a maa bay fére nzobri fe ndaw, roo a ba nzob iki law ndaw pi. <sup>25</sup> Nzob túḅ bay b̄eri ηgereḅ na, d̄o nun haḅa ni ka fére ri fe báy kusol huoke yuḅuḅu. Ko ya le, ηγερωυρου a póḅ faa ha ri suo k̄er bay a í tuu tusue bay na báy. <sup>26</sup> A le, i ȳi í zih̄ k̄er bay kere a í t̄ji saa bil nduo ηγερεtemndaya ká m̄gba ri, a ha ri d̄aa fe ká law-ε hii na.

### 3

*Síe* óro b̄ie nam ká tusiri

<sup>1</sup> Mu laa bay key na báy kere ndaw roo! Síe óro b̄ie nam na, zad̄ a ηgón̄ bamba tasiri. <sup>2</sup> Namke ku na nzobri d̄aa han̄ ndaw, i taka k̄on lariri ndaw, i ndáka giri ndaw, i siika s̄o-r̄i ndaw, i t̄iri ηγερωυρου ndaw, roo í ba nzob t̄ji ká tul nzob mbón̄ ri ndaw pi. Nzobri m̄baka fe ba s̄o-ri, a í d̄aa vu mbom̄ bo tul fe ká \*tan̄ kad̄ kad̄ na ya. <sup>3</sup> I bá nzob law tiyari ndaw, nzob kóko nun síe nzob ya ndaw, nzob b̄aa bay kaaya se tul nzobri ndaw, nzob tul tiyari ndaw, í ba d̄ombirimri ndaw, a í ba nzob tul ηgani fe kere ndaw pi. <sup>4</sup> I bá nzob mbika tul nzobri ndaw, nzob fe d̄aa gan̄ri ndaw, nzob hew s̄o-r̄i ndaw, roo k̄on feri ká tusiri key na m̄gba law-ri mba ηγερωυρου. <sup>5</sup> I k̄oro s̄o-ri ká kele ri i nzob ηγερωυρου, roo le, i tuḅ ḅurusuo ηγερωυρου ká maa bay fére ri na ηgereḅ. Nzobri ká i d̄o munu ku na mu naa s̄o-ḅ ká luo-ri. <sup>6</sup> Nzob han̄eri ká sakra b̄ari ku na, i lom̄ s̄o-ri í ri i bil hul nzobri hiyaw hiyaw, í ula m̄ayri ká k̄er bay b̄ari tiya na. M̄áykeri ku na, bay feyaa m̄gba tul-ri

ndaw, a kɔn fe kaayari ká boɔf boɔf riw bele na kara, kuɔ ri ndaw pi. <sup>7</sup> I ba máyri ká i nzaa faa fére fe banɔuɔ, roo le, i maa bay tuuka tusue bay ɲɛɛwuru na ya. <sup>8</sup> Munu ká pola lew ká Zanes báy Zambereɛsi i tunj \*Moyze ɲɛɛɲ na, timbeɔɔ key na kara nzobɔ lom sùo-ri na, i tunj tusue bay na ɲɛɛɲ ndaw. I ba nzobri ká tul-ri fere ndaw, mbika law bari kara ɔo ɔɔr hoy ndaw. <sup>9</sup> A le, fe ɔ́aa bari ku na ti tji suku ba pola ya, bay ji le, fe ɔ́aa kòkò bari na, a tina sùo-ɛ ká nun ruɔ nzobri riw bele munu ká tji tul nzobri ká siɔi na.

*Peɔf ká ɔo bay haɲa Timote ɔaa*

<sup>10</sup> A roo le, bo na, mù kɔ mì ta-taɲ báy fe fére bi ndaw, simseɔf bi ndaw, fe ká mì waa bay ɔ́aa ndaw, mbika law bi ndaw, iki law bi ndaw, mgbaka ini bi ndaw, a mú kɔ suu law bi ndaw pi. <sup>11</sup> ɔ́aa nun tuɔ síe báy kókò seke fe ká tji tul-i ká Antiyos ndaw, Ikoniyum ndaw, rɔɔ Listere ndaw na, mù kɔ ndaw pi. Mu kɔ, seke fe jike ki báy ze, tji tul-i ya le! Be nu ku hoy kara, ɲɛɛɛmbay yaa mì ká ɔi riw bele. <sup>12</sup> Ba tusue ki, nzobri riw bele ká i hii bay séke simseɔf munu ká ɲɛɛwuru hii báy faa zúɔ zɲ Zezu \*Krisi na, nzobri ɔ́aa nun-ri tuɔ síe. <sup>13</sup> Roo le, nzobɔ ndayari báy nzobɔ úla nzobri na, i biɛ simseɔf bari ba pola pola. I úla nzobri ndaw, a bari ki hoy kara, nzobri ula ri ndaw pi.

<sup>14</sup> A bo na, mu ɔo tul fe ká mù fere ká mú yaa bayke báy bil law-a riw bele na, bay ji le, nzobɔ ká ba gaɲ tul-a ká'a fere mù fe na, mù kɔ ndaw. <sup>15</sup> Tusueke le, bay ká ɔo bil mbede ɲɛɛwuru na, mù tuu báy tóy bo hoy. Bayke ku na maa bay haɲa mù nun nɛm ha mù zɲke pam báy faa ɔ́aa law bo tul Zezu Krisi. <sup>16</sup> Bayri riw bele ká ɔo bil mbede ɲɛɛwuru na, ba ɲɛɛwuru ze ha nzobɔ ɔaa. Ba bay ká maa bay féreke nzobɔ fe ndaw, bay yɲwke nzobɔ ndaw, bay ndáɔake nzobɔ ká tul fe ɔ́aa kaaya be ndaw,

rɔɔ ɔay kíeke ni faa simseɔ kere ndaw pi. <sup>17</sup> Be ndaw rɔɔ, nzob̄ taa ɲɛɛwuru na ɔo tul ɔal-ε a maa ɔay ɔ́aa fe kereri riw bele ɔáy riɲ-ε riɲ-ε ndaw pi.

## 4

<sup>1</sup> Mì kod̄ mù ɲɔɔ-ɲɔɔ ká pol ɲɛɛwuru ɔáy Zezu Krisi, ɔe ká'a kúnj sal ɔay zuɔ tul nzob̄ káw ɔáy kumnunri ɔáy nzob̄ huɔeri. Rɔɔay, mì kod̄ mù, ɔay ɲi ɛ, ɔe na ka'a yíi a ví re mbay. <sup>2</sup> Mu ka-káa ʼBay Kere na a mú ɲɔɔ sɲw ká ɔ́i ɔáy ɔil nam ka ɔa kere ndaw, ɔáy ɔil nam ká ɲɔɔ-ɲɔɔ ndaw pi. Mu yiw ri ká tul fe ɔ́aa kaaya ɔari ndaw, mú tuɲ ri ká ɔ́i ɲɛɛɲ ndaw, mú ɔo ri ndaw, a mú fére ri fe na ɔáy íki law ɔaɲɔɔ, <sup>3</sup> ɔay ɲi ɛ, nam ká'a vika vuku na, nzob̄ri ti híi ɔay láa fe fére taa tusuεke na mbáa. I ɔ́aa kɔn fe ká law-ri kɲi hɔy ze hii. Be mini ze, i ɔ́uu fal ruɔ nzob̄ fe fére ri ha ri fere ri fe ká kɔnke ɔ́aa ri ɔay haɲa ri laa ɔayke. <sup>4</sup> I mbii suku-ri diɔ ká tul tusuε ɔay na, a ímbi sùo-ri ɔay láa soro fe taa ɔɔb̄ ɔɔb̄keri. <sup>5</sup> A roo ɛ, ɔo na, mu nze ɔáy sùo-ɔ ká tul ferri riw bele, mú sɲu law-a ká ɔil kóko sεke ferri, mú ɔ́aake peɔ ɔo ká ɔa káa ʼBay Kere na, mu ɔ́aa ha ni ka ɔ ɔáy zaɔε nzeɔem.

<sup>6</sup> A ɔi ɛ, saɲw síe haɲa mì mbi sùo-i ɔa \*fe poy na tɔɲ deɔ hɔy ro. Nam huɔ ɔi na vi ro. <sup>7</sup> Mì ru-ruy taa tusuεke na ɔáy kere, mí ɔuu kpuru tɲi gbɲke; tusuε ɔay ká se tul mbika law na, mì kɔɔɔ ɔaɲɔɔ. <sup>8</sup> A timbeɔε key na, fe tundo ru y na ɔo giyaɲ mì: ɔa taguɔa ká ɔo ɔay tul nzob̄ri ká ɔay naa ká tul-ri, ká ɲɛɛɛmbay Nzob̄ Kúnj Sal ʼBay ɔáy zaɔε a haɲa mì ká síeke na ku. Ká'a haɲa mì ɔi huo-i hɔy ya, roo ɛ, a haɲa nzob̄ri riw bele ká i giyaɲ kurum ká síe yíi ɔe na.

ɔ́ro ɔie waɔa ɔay Pol



<sup>9</sup> Mu d̄aa h̄urusuo-ɔ tuŋ k̄i mú ví z̄iŋ m̄i ba vaa, <sup>10</sup> bay j̄i l̄e, Demas p̄ɔŋ m̄i bay tul k̄ɔn feri ká tusiri, a z̄ɔl ba Tesalonik. Kres̄an z̄ɔl ba kuđu zaɗ ká Galasi, a Tite laa l̄e, z̄ɔl ba Dalmasi, <sup>11</sup> ba Luku huo-ε h̄ɔy ze ɗo z̄iŋ m̄i key. Ze ví bo l̄e, mu s̄uu Marki h̄a ni ka vi z̄iŋ mù, bay j̄i l̄e, a sókɔ m̄i ká bil ped̄ bi báy. <sup>12</sup> A Tisik laa l̄e, m̄i pie ni ba Ef̄ez. <sup>13</sup> Zaɗka mù ɗo vika l̄e, maagari ted̄ bi ká m̄i p̄ɔŋ ɗo Toras ká luo Karpus na, mu mbi kek ɗo nduo-ɔ mú víke h̄a m̄i. Mu f̄aa mbede ɗiri h̄ɔy kara nd̄aw, kakalke l̄e, h̄ayri ká ba huɔ ká i vbie fe ɗo ɗi na.

<sup>14</sup> Alezandere ká ba nzob̄ tuo fe na, ka d̄aa kaaya z̄iŋ m̄i nḡii bamba, roo l̄e, ŋgerembay a p̄úo ni fe tunduo be báy. <sup>15</sup> Bo kara, mu nze báy s̄uo-ɔ bay tul-e, bay j̄i l̄e, ka tuŋ fe fére ɗuru na ŋgereŋ ba fal. <sup>16</sup> Báy titire ká m̄i kaw pol nzob̄ kún sal bay, bay f̄óŋ bay bi na, nzob̄ri riw bele p̄ɔŋ m̄i. Nzob̄ m̄iɓw mini kara ɗo fal gan̄ bi ya. Ndad̄ bay haŋa ŋgerewuru ka naa bayke ká tul-ri. <sup>17</sup> Ze nzob̄ri p̄ɔŋ m̄i h̄ɔy kara, ŋgerembay ɗo z̄iŋ m̄i, a h̄a m̄i h̄urusuo h̄a m̄i káake káa Bay be na h̄a nzob̄ri riw bele ká i ba saw Zib̄ ya na i laa. Be na ze ka tina m̄i saa nzaa mbaki. <sup>18</sup> Ba be na k̄i ze, a tina m̄i ká bil fe sek̄eri ká báy riŋ-ε bod̄ bod̄ riw bele, a h̄a m̄i t̄i ká ɗi yororoŋ, a ɗáa m̄i kaw puoruo be ká nulue. Riŋ ɗika ba taa be mbiimbam báy mbiimbam ɗan̄guɔ! Am̄em! Ndad̄ bay haŋa ni ka ɗo munu na k̄i!

Ɔ̄rɔ ɗie soko ká Pol hii h̄a nzob̄ri

<sup>19</sup> Hii soko h̄a Prisil báy Akilas, r̄ɔɔ nzob̄ bil hul Onesif̄ori nd̄aw pi. <sup>20</sup> Erasi kaw K̄ɔr̄ɛte, a mí p̄ɔŋ Torofim ká s̄uo-ε s̄e ni s̄e na ɗo Mile. <sup>21</sup> Mu d̄aa h̄urusuo-ɔ tuŋ k̄i mú vi ba vaa pola nd̄aw r̄ɔɔ, lew ted̄ ka vi báy. Ebulus nd̄aw, Pudan nd̄aw, Linusi nd̄aw, Kolodiya nd̄aw, r̄ɔɔ báy yu naari riw bele ká i ɗo key na, i hii soko h̄a mù.

<sup>22</sup> Ndaɗ ɗay haɗa ɲgeɗembay ka sáɗ ziz m̀. Ndaɗ ɗay haɗa law huoke ɲgeɗewuru ka sáɗ ziz rì riw bele.

Mbede sáka kuni fie  
New Testament in Kuo

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 28 May 2022

1bae8b8b-6141-55e9-b352-adf7a01da5f4